



RAZAK (tengah) merakamkan gambar kenangan bersama peserta Tamu FKJ.

Tamu FKJ asah bakat siswa UMS dalam bidang keusahawanan

UB 7.3.2019 AD

KOTA KINABALU: Tamu Fakulti Kejuruteraan (FKJ) anjuran Persatuan Mahasiswa FKJ Universiti Malaysia Sabah (UMS) mampu mengasah bakat siswa-siswi khususnya dari bidang kejuruteraan untuk melibatkan diri dalam bidang keusahawanan.

Pengerusi Kelab Keusahawanan FKJ Dr Razak Mohd Ali Lee berkata, program keusahawanan merupakan aktiviti yang

perlu digalakkan dalam kalangan siswa UMS.

“Penganjuran Tamu FKJ buat julung kalinya ini diharap dapat menjadisa tu jenama penganjuran di UMS yang dapat mengetengahkan lebih ramai bakat siswa dalam bidang keusahawanan, yang mampu bersaing di peringkat lebih tinggi.

“Harapan saya juga agar lebih banyak penyertaan oleh siswa-siswi khususnya dari FKJ dalam program-

program berkaitan bidang keusahawanan pada masa akan datang,” katanya ketika ditemui pada program itu di bangunan FKJ UMS.

Program itu menyaksikan penyertaan seramai 20 kumpulan pelajar termasuk siswa-siswi dari Fakulti Sains dan Sumber Alam (FSSA) dan Fakulti Kemanusiaan, Seni dan Warisan (FKSW), selain pelancaran Kelab Keusahawanan (E-Marts) yang merupakan satu

platform untuk mencungkil bakat siswa-siswi dalam bidang keusahawanan yang sedia ada.

Hadir sama pada program itu, Timbalan Dekan Hal Ehwal Pelajar dan Alumni FKJ Dr Mohd Kamel Wan Ibrahim, Pengarah Program Wann Mas Anum, Majlis Perwakilan Pelajar FKJ Idzrul Nabil Luqman dan Presiden Persatuan Mahasiswa FKJ Zachary Zeno.